

তোমাকে খুঁজে পাই

-আদনান সৈয়দ

তোমাকে খুঁজে পাই জোৎস্নার রাতের
সবুজ অন্ধকারে ।

যেখানে জোনাকিরা করে মাতামাতি
সব রঙ এক হয় সব বাতি জ্বলে উঠে
ঐ দূর আকাশের কোনে ।

তোমাকে দেখি উর্বর ফসলের মাঠে
অপলক তাকিয়ে ।
যেখানে কৃষানীরা স্বপ্নের মালা গাঁথে
আর সূখের নিঃশ্বাস নেয় পরম নির্ভয়ে
ভালোবাসার সাথে ।

তোমাকে দেখি আমি ছাপ্পান্ন হাজার
বর্গমাইলে ।
যেখানে পাহাড় ছুয়েছে আকাশ
বাতাস ছুয়েছে দিগন্তের গা ঘেসে
নিবিড় আলিঙ্গনে ।

তোমাকে খুজে পাই আমার অস্তিত্বের মাঝে
প্রতিটি শিরায়-উপশিরায়
যেখানে আমি আর আমি নেই
যেখানে আমি সেই তুমি হয়ে গেছি
বহুকাল আগে..
(১৬ মার্চ, ২০০৭, ঢাকা)